







DIET. HERM. KEMMERICHII, JCTI,

SERENISS. SAX. DUCVM STIRP. ERNEST. CONSIL. AVL.

COD. ET NOVELL. PROF. P. CVRIAE PROVINC. SAX.

FACVLTV. IVRID. ET SCABIN. ASSESS.

ORDINIS SVI H. T. PRO-DECANI

PROGRAMMA

DE

MVNERE

ADVOCATORVM

HONORIFICO

DISPVTTATIONI INAUGVRALI

NOBILISSIMI IVRIVM CANDIDATI

FERDINANDI ADAMI HERMANNI,

COBVRGO - FRANCI,

REGIMINIS SAXO-COBVRGENSIS ADVOCATI,

DE

PROSOPOLEPSIA ADVOCATORVM

PRAEMISSVM

---

JENAE,  
LITTERIS MULLERIANIS.



DIET. HERM. KEMMERICH  
SERVAT. SAC. SACR. STRE. ERNST. CONSIL. ANS.  
COL. EL. DEVELL. PROF. P. CIVIL. PROCUR. SAC.  
IACQ. DE. EL. SACR. M. A. S. S. S.  
ORDINIS SVI. H. T. P. R. O. D. I. C. A. R. I.

P R O C R A M M A

DE

M V N E R E  
ADVOCATORVM  
HONORIFICO

DISPUTATIONI IN ACADEMIA  
NOBILISSIMI IUSTITIAE CANDIDATI

FERDINANDI ADAMI HERMANNI  
CORRADO. FRANKI  
REGIMINIS SAZO. COR. SACR. A. A. V. O. C. A. T. I.

DE  
PROSOPOLIPSIA ADVO-  
CATORVM  
D. A. T. I. S. S. A. M.

LITTERIS WILHELMII







**H**ONORIFICUM ADVOCATORVM munus & olim, apud Romanos maxime, reputatum fuisse, & hodiernum apud Germanos quoque reputandum esse, paucis edisserere animus est: dum, ad Dissertationem Advocati, ad Summos Jurisprudentiæ Honores adspirantis, inauguralem invitare, officii ratio exigit. Qui *Advocati* hodie audiunt, apud Romanos olim *Causarum Patroni*, salutati sunt. Quamvis, accurate loquendo, *Advocati* nonnihil a *Patronis* differrent, siquidem hi *Oratores* erant, causas clientum orando in Judicio agebant; illi vero *Jurisconsulti*, Jus Patrono suggerentes, vel reo amico præsentiam accommodantes (a) sequiori tamen ævo promiscue hæc nomina adhibita, iidemque *Advocati*, modo *Causarum Patroni*, modo *Oratores*, modo etiam *Causidici*, appellati sunt (b). Nobilissima vero hujusmodi

(a) V. ASCON. PAEDIAN. in CIC. *Verr. I. & Divinat.* CALVIN. *Lexic. Jurid.* v. *Advocat.*

(b) V. ULPIAN. l. 1. §. *advocatus* et. de *extrord. crim.* GOTHOFR. ad rubr. *Cod. t. de Advoc. dist. Judicior.* GYDELIN. *de Jure Nobiliff. L. IV. C. 4.*



modi Advocatorum fuit origo: quippe ab antiquissimo, Reipublicæque Romanæ cœvo, *Patrociniorum* instituto arcessenda. ROMVLVS enim, primus Romanorum Rex postquam, urbe condita, cives in duos distribuit ordines, *Patricios* nempe & *Plebejos*: ad conciliandos jungendosque mutua benevolentia animos, potestatem fecit *Plebejis*, e *Patriciis* sibi in *Patronum* cooptandi, quemcumque vellent, excogitatis in hunc finem *Patronorum* & *Clientum* nominibus; ut *Patroni* quidem susceptos in fidem *Clientes* adversus injurias tue- rentur, inque judiciis defenderent, ac juris legumque scientiam docerent; *Clientes* vero *Patronos*, instar *Parentum*, observantia & obsequio, aliisque officiis, co- lerent. Quin & his omnibus sanctius observandis *Legem* addiderat, a *Decemviris* postea in suas transla- tam *Tabulas*, hanc: PATRONVS SI CLIENTI. CLIENTVSVE. PATRONO. FRAVDEM. FAXIT. PRODITOR. ESTO (c). Hinc igitur *Causarum Patroni* enati sunt. Regno enim in Rempublicam redacto, optimi ex *Patriciis* viri, elo- quentiæ laude florentes, extiterunt, qui non solum *Populi* causas orarunt, verum etiam tenuiorum e ple- be hominum, ad se confugiendum, patrocinia, ad ex- emplum veterum *Patronorum*, gratis suscipere. Quo facto, cum *plebejos* istos non minore, quam veteres *Patroni* *clientes* suos, fidei observantiaque cultu addi- ctos haberent: *Patronorum* & *Clientum* appellatio exinde in forum deduci, & ad *Oratores*, horumque auxilio utentes, transferri cœpit (d). Hujusmodi *Oratores* non mino-

(c) V. DIONYS. HALICARN. *Antiqu. Rom. Lib. in PLVTARCH. in Vita Romuli. FESTVS: Patrocinia appellari capta sunt, cum plebs distributa est inter Patres, ut eorum opibus iura esset.*

(d) V. BRVMMER *Cozum. ad L. Cinc. Cap. II. n. 10.*



minorem sibi, patrociniis in foro clientibus præstitis, ac milites in bello victoriis reportatis, laudem ac gloriam conciliarunt, maximoque honore culti sunt (e). Imperatoribus quoque in pretio fuerunt ac honore Advocati atque Causarum Patroni: id quod variæ in Codice leges loquuntur; quibus egregia illis, cum primis Fisci Patronis, elogia ac privilegia tribuuntur (f).

) ( 3

GER-

(e) Legi hac de re meretur AMMIANI MARCELLINI testimonium Lib. 30. scribentis: *Florebant elegantia præfæ patrociniis tribunalia, cum Oratores concite facundia, attentis studiis doctrinarum, ingenio, fide, copiis ornamentisque dicendi pluribus eminebant: Nec minus apud Romanos Rutilii & Galbe & Scæuri vita, moribus, frugalitateque spectati, & postea per varias ævi sequentis Censorei & Consulares multi, & Triumphales, Crassi & Antonii, & cum Philippis Scævole, alique numerosi, post exercitus prosperrime ductos, post victorias & tropæa, civilibus stipendiorum officiis floruerunt, laureasque fori speciosis certaminibus occupantes gloria honoribus fruebantur.*

(f) Sic in L. 14. C. de Advoc. divers. judicior. Advocati non minus ac milites bene de humano genere mereri dicuntur. verb. *Advocati, qui dirimunt ambigua fata causarum, suæque defensionis viribus in rebus sepe publicis ac privatis lapsa erigunt, fatigata reparant, non minus providere humano generi, quam præliis atque vulneribus patriam parentesque salvarent. Nec enim solos nostro Imperio militare credimus illos, qui gladiis elypeis & thoracibus nituntur, sed etiam Advocatos: militant namque causarum patroni, qui gloriosa vocis munimine laborantium spem, vitam & posteros defendunt;* Sic in L. 1. C. de Advocatis div. Judicium, Imperator Advocatos, deposito advocationis officio, clarissimi primi ordinis comitis perfrui dignitate, voluit. Add. L. 2. 3. 4. 5. 6. C. eod. ubi variis privilegiis, immunitatibus, ac elogiis, Advocati, cum primis Fisci Patroni, ornantur: Præsertim in Lege 4. pr. *laudabile vitæque hominum necessarium advocationis officium dicitur, quod maxime principalibus præmiis oporteat remunerari;* & in L. 6. *clarissima eloquentiæ lumina Advocati appellantur. Facit quoque*



**GERMANIS** antiquis maxime exosi fuerunt Advocati Causidici: cujus rei luculenta specimina cernere licuit, cum, post **QVINTILII VARI** stragem, mortuis quoque sævi insultarunt (g). Nihilominus postea, sub **FRANCORVM** jam Regno, Causidici, Clamatores quoque dicti, eum jure formulario (h), in forum admisi fuerunt (i). Sed & mox aliud genus *Advocatorum*, a communi quidem *Causidicorum* cohorte distinctum, in nonnullis tamen affire, surrexit: Scilicet, qui Episcopis & Monasteriis, ab Imperatoribus dati, vel ab ipsis cooptati sunt: ut adversus injurias Episcopatus & Monasteria, primum causas eorum in judiciis agendo, deinde & armata manu tuendo, protegerent, sed & jurisdictionem secularem in terris ipsorum exercerent; atque

---

huc encomium, quo **THEODOSII & VALENTINIANI** Novella de *Postulando*, ab **ANT. PEREZIO** in *Prælect. in Cod. l. de Advocatis div. Judicior. n. 2.* excitata, Advocatos ornat, ita sonans. *Digni omnibus honoribus habeantur, qui Advocati esse meruerint: quo enim honore impares esse credimus eos, qui vita & eloquentia Reipublicæ & privatorum commodis deserviunt.*

(g) **QVINTILIUS VARUS** enim quum ausus esset, forum in Germania agere, & more Romano Jus Germanis dicere, hi, ut primum togas causidicorum, & sæviora armis Jura viderunt, duce Arminio, armis correptis, alteram, post Cannensem stragem ediderunt Romanis, & inprimis in causarum patronos intolerabilius insultarunt, aliis oculos, aliis manus amputantes. Unius os futurum, recessa prius lingua, quam in manu tenens Germanus, Tandem, dixit, *Vipera, sibilare desiste*, v. **FLOR. l. IV. Cap. 12. 13.**

(h) De quo testantur *Formula*, a **MARCVLPHO** monacho collectæ,

(i) v. **CAROLI M. Capit. ap. GOLD. Const. Imp. T. III. c. 8.** quod de Clamatoribus seu Causidicis agit. & **LVDOVICI II. Regis** decretum in Comitibus Erfurt. a. 852. factum, quo vetiti sunt magistratus patrocina vendere, aut cuiquam in sua præfectura adesse. *Diminuta quoque sunt Causidicorum merces, quorum perfidia nihil venalius;* ap. **GOLD. Const. Imp. T. 1. p. 191. & T. III. p. 274.**



atque adeo honorabili & Protectorum, & Judicium munere fungerentur (k). Honorabile vero hujusmodi Advocatorum munus existimatum fuisse, vel inde colligas licet, quod nec Principes, nec ipsi Imperatores, talem *Advocatum* in se suscipere dedignati fuerint. Verum de hujusmodi Advocatis hic quidem non est agendi locus, sed de Causarum Patronis, qui litigantibus in judicii consilio & opera adfistunt. An felicior futura fuisset Germania nostra, si nullus causidicis ad Judicia patuisset aditus, (1) jam non disquiro. Id factem negari nequit, hodie, postquam peregrina Jura, *Romanum Canonicum & Longobardicum* in Germaniam inducta sunt, ita, ut etiam illiteratis pro norma actionum negotiorumve sint agnoscenda, Germaniam Advocatis jurium horum peritis carere haud posse. Et licet

(k) Talis erat TRUTMANNVS, quem CAROLVS M. *Advocatum omnium Presbyterorum in tota Saxonia* constituit, ac *Virum Illustrem* vocat in Formula Constitutionis, ab HENR. MEIBONICO edita, & Notis ad WITFICHINDI *Annal.* L. 2. inserta. Extant quoque exempla causarum, ab Advocatis hujusmodi Monasteriorum in judicio actarum. Spectat huc exemplum litis, inter *Archi-Episcopum Trevirensis Abbatemque Prumiensem* coram CAROLO M. pro Cella S. Goaris ventilatae apud WANDALBERT. de *Miraculis ipsius Sancti*; ubi Prumiensis Coenobii *Advocatus* Ratbertus *Causidicus Monasterii* appellatur. Extant etiam exempla duellorum, ab Advocatis in causis Monasterii susceptorum, ap. MABILLON. *Secl.* III. *Aet. Ord. S. Benedicti* P. 1. n. 112. Add. CAROL. CANG. voce, *Advocatus*. MAGER, a SCHOENBERG de *Advocatia Armata*. HERF. de *orig. & Progr. spec. R. G. I. Rerump.* §. 5. SCHILT. *Ex. ad Pand.* X. §. 8. SCHWEDERI *Disq. de Advocatia ab Imp. Protect. Eccl. non minus ac Rom. Cath. aequali jure praest.* P. 1.

(1) Quod generatim de omnibus affirmat CIVITATIBUS I. LIBSIVS *Polit.* L. 11. C. 11. Add. ZIEGL. *Rabul.* C. 1. §. 17.



licet aliquando sub FRIDERICI III. imperio consilia in comitiis, de extirpandis penitus e judiciis Germaniæ Advocatis juris Romani peritis, agitata fuerint (m): res tamen exitu caruit. Facile enim perspexerunt Imperatores ac Proceres Germaniæ, laudabile, utique ac honestum non solum, sed & utile ac necessarium Advocatorum munus hodieque in Germania censendum: ut scilicet illi, qui, propter imperitiam juris, ipsi jus suum in judicio persequi ac tueri nequeunt, habeant, ad quos confugiant, quos consulant, quique consilio & opera sua adversus injuriam eos defendant. Proinde uti adhuc hodie Advocati, præclare de Republica, æque ac privatis, justitiam suis patrociniis promovendo, merentur (n): ita dubitandum non est, quin iidem hodieque omni honore, digni sint censendi, quo & Patroni olim apud Romanos a clientibus suis culti fuerunt, & quo ipsi Imperatores Romani eosdem ornarunt.

---

(m) v. FRIDERICI III. *Reformat. Polit. d. a. 1441.* ap. GOLD. *Reichs-Satzungen p. 1.* ibi: Alle Doctores der Rechten, sie seyn geistlich oder weltlich im Heil. Röm. Reich. E. M. sollen auch fürbasshin vor Gericht oder Recht nicht weiter reden schreiben oder rath geben. Darum, daß sie Stieff. Väter, und nicht die rechten Erben des Rechten seynd. Dann sie nehmen ihu den rechten Grund der Wahrheit, und bringen durch ihren unordentlichen Geitz das Rechte zu einem solchen Unglauben, daß kein Fromm Mann sein Vertrauen darein mehr setzen mag. Sed periniquam judicat hanc sententiam H. CONRING. de O. J. G. Cap. 32. quod, utut illi peritorum Romani juris ordini quadam permissa fuerint vitiligatoria ingenia, non tamen paucorum vitio totus laudatissimus alias ordo proficisci meruerit.

(n) Quod enim de suo tempore asseruit SYNISIVS Episcopus Ptolemaidis, *Epist. ult.* idem adhuc hodie locum habet: *Jura indigent patronis, beatique illi sunt, qui operam suam conferunt, ut bonam causam adjuvent:* Add, ZIEGL. de Rabulist. C. 1. §. 17.



narunt (o). Ad honorem quoque Advocatorum spectat, quod, intuitu officii, e plebejorum consortio sint exempti, & cum primis illi, qui in Superioribus Judiciis in numerum Advocatorum sunt recepti, singulari dignitatis ac præcedentiæ prærogativa gaudeant (p): nec non quod, quicquid pro præstita opera illis a clientibus solvitur, non mercedis, sed honorarii (q) nomine veniat. At enim vero, facile liquet, elogia isthæc in honorem Advocatorum allegata, non nisi probis Advocatis, qui ex animo id agunt, ut justitiam promoveant, quique adeo omnes veri justique causarum Patroni partes adimplent, jure competere. Longe aliter vero sentiendum, de talibus Advocatis, qui vel ignorantia, vel nequitia sua, justitiam potius pervertunt, ac impediunt, quam promovent, quique sibi potius, suæque vel avaritiæ, vel ambitioni ac vindictæ cupiditati, quam clientibus, ac justitiæ causæ, patrocinantur: qui opibus clientum magis inhiant, quam juri-  
bus invigilant, atque lites malis artibus in infinitum  
( ) ( ) pro-

(o) Idem probare videtur B. LUTHERVS noster, qui in *Adhortatione* quadam ad *Scholares*, egregio hoc probos Jurisconsultos & Advocatos encomio mactat: Die Juristen und Advocaten in diesem weltlichen Reiche sind solche Personen, so das Recht, und das weltliche Reich erhalten; und gleichwie ein frommer Theologus und rechtschaffener Prediger in Christi Reich Gottes Engel, ein Heyland und Prophet, Priester und Lehrer ist: Also mögte man einen frommen Juristen im weltlichen Reiche des Kayfers Propheten Engel und Heyland heissen.

(p) Conf. IO. CASP. IVNGMICHEL *Advoc. Sax. Cap. VII. de Privilegiis Advocati Saxon.*

(q) vid. CALVIN. *Lex. Jur.* voce, *Honorarium*, ubi ab eo dictum notat, quod, pro mercede, ad honorem eis tribueretur.



protrahunt, ut habeant, de quo victitent quam diutissime, & cum damno clientum locupletentur (r): qui, donis corrupti, utrique parti patrocinantur, adeoque eorum, quorum defensores ac patroni videri volunt, proditores fiunt: vel, qui justitiæ causæ diffisi, hoc pacto Judicem corrumpere conantur, atque si juribus & rerum argumentis vincere nequeant, argento saltem & muneribus eundem de justitia causæ suæ convincere satagunt: qui, ut victoriam reportent, clientes ad omnia etiam verisima contra conscientiam neganda, imo ad falsa & perjuria committenda, seducere, non dubitant: qui, jure destituti, convitiis, non legibus, pugnant, ac, si obtinere non possint, quod volunt, vel maledicæ linguæ impudentia, vel styli aculeati petulantia, qua & Judici & adversario insultare non erubescunt, gloriolam quandam captant, vel falsam oris procacitate, ac inepta garrulitate, omnibus mo-

---

(r) Quales describit Poëta his verbis:

*Quos criminoſa lingua nutrit & pascit,*

*Vitalis avi quam diu irabunt lucem.*

*Tori togatos vultures dicas,*

*Picasque inertes, aut monedulas veras,*

*Auri ſequaces; pellices crumenarum,*

*Hirundinesque patrimonii lauti.*

Has artes cum non didiciſſet junior quidam Advocatus, cui Veteranus Socer aliquot proceſſus, ſive litres pendentes, dotis loco dederat, ille vero brevi tempore has ad finem perduxifſet: increpatuſ hoc nomine a Socero ac ſtultitiæ inſimulatuſ fuit, quod ipſe per multos annos ſubſidia vitæ ex his libuſ ſibi comparaverit.



molestiam creant: verbo; qui improbitati suæ ac pravis cupiditatibus & conscientiam, & fidem & religionem, & quid non? litant. Hujus furfuris homines, uti Rabulæ potius, quam Causarum Patroni, vocari merentur (s), atque adeo honorifico Advocatorum munere sese indignos reddunt: ita non solum in hac vita pœnas sæpe nequitia luunt (t) vel saltem infamiae facti labem (u), apud viros honestos atque cordatos contrahunt; sed etiam post hanc vitam, non

sequitur

)( ( 2

in

(s) Cujusmodi Rabulas ac Pseudo-Advocatos vivis coloribus depinxerunt CASP. ZIEGLERVS in *Rabulistica*, sive de *Artibus Rabulariis* Dissert. Dresd. an. 1685. nec non MICH. HOLTERMANVS in Dissert. de *Nequitia Advocatorum*. Marp. 1679. & AHASV. FRITSCHIVS in *Advocato peccante* Vratisl. an. 1678. edit.

(t) Extat hujusmodi pœna, nempe *Interdictio advocacionis*, in L. 5. C. de *Postul.* ibi: *Si qui advocatorum existimationi suæ immensa atque illicita compendia prætulisse, sub nomine honorariorum, ex ipsis negotiis, quæ euenda susceperint, emolumenta sibi certa partitis, cum gravi damno litigatoris & depredatione poscentes fuerint inventi: placuit, ut omnes, qui in hujusmodi savitate permanserint, ab hac PROFESSIONE penitus ARCEANTVR.* Add. ELEGT. SAX. Mand. de a. 1662. *Wider der Advocaten Unbescheidenheit.* it. Fürstl. Sächsis. Gothaisch. erneuerte und verbesserte *Advocaten-Ordn.* S. 7. 14.

(u) vid. L. 6. §. 1. C. de *Postul.* ibi: *Ante omnia autem universi Advocati ita præbeant patrocinia jurgantibus: ut non ultra, quam litium poscit utilitas, in licentiam conviciandi & meledicendi temeritatem præsumpant; agant, quod causa desiderat, temperent se ab injuria. Nam si quis adeo prolix fuerit, ut non ratione, sed probris putet esse certandam: OPINIONIS suæ IMMINVTIONEM patietur.*



in cœlo (x), sed in inferno (y), improbæ advocacionis mercedem accipiunt.

Meliora utique sperare possumus de

NOBLISSIMO IURIVM CANDIDATO,

**DNO. FERDINANDO ADAMO  
HERMANNO,**

COBURGO-FRANCO:

REGIMINIS SAXO-COBURGENSIS ADVOCATO,

quippe

(x) Indicare hoc videtur fabula de s. IVONE, Advocato olim sanctissimo, qui, postquam in cœlos evectus fuit, scalam secum attraxisse fertur, neque adeo post eum quemquam Advocatorum in cœlum adscendisse, creditum. Sed nimis generalis est fabula, neque adeo ad probos Advocatos porrigenda. ap. ZIEGL. in *Rabul. præfat.* Idem indigitare videtur OWENVS, quamvis iudem generalius iusto loquutus, ita canens:

*Causidicum in cœlis unum (inquit Paulus) habemus,*

*Præter eum, num qui sunt ibi Causidici?*

(y) Satis quoque dura est illa CHASSANÆI de *Regn. mund. in Confid. l. n. 67. p. 1.* allusio de grege porcorum, quos, uti narrat, cum rusticus in suille agere non posset, indignatus exclamavit; *Eatis tandem in castellum, sicuti Procuratores & Advocati in infernum descendunt: & illico gregatim omnes introierunt.* Quo dicto IO. PETR. ALA in *Tr. de de Advoc. & caus. P. II. Exhort. 3.* tanto se stupore percussus, ait, *ut ab advocacione prorsus desistere decreverit.* Forte nec alienum erit, hic referre, quod de Advocato quodam, injustitiæ fama celebrato, mihi relatum est: Scilicet eodem agro decumbente, schedulam, in loco Civitatis publico affixam repertam, fuisse, cui sequentia in scripta fuerint verba;

*Ihr Herren Advocaten und liebe Gesellen,*

*Hat jemand in der Höllen etwas zu bestellen,*

*Der stelle sich morgen in meiner Wohnung ein,*

*Um 3. Uhr wird die Abfarth seyn, N. N.*

*Et eadem hora eandem animam efflasse, ferunt.*



quippe qui, ut honorifico Advocati munere sese dignum redderet, non solum litterarum studiis, cum primis Jurisprudentiæ, sedulam navavit operam, sed & probitatis ac honestatis studiosum, ab ineunte ætate sese exhibuit. Testatur hac de re curriculum vitæ, quod vocant, ab ipsomet sequentem in modum descriptum:

Ego FERDINANDVS ADAM HERMANN,  
Coburgo-Francus, natus sum in Franconia & quidem Coburgi, die VII. Maji M DCC XI. Patre IOHANNE CASPARE HERMANNO, Magistro lignorum & Scriba Camera; nec non Matre SOPHIA AMALIA, Filia M. BALTHASARIS FROMMANNI Pastoris Grossen-Garnstadtensis, jam M DCC XIII. pie defuncta. Hi parentes mature cum summa diligentia ad pietatem pariter ac honestatem me educavere, itemque Preceptoribus Scholæ Senatoriæ, quæ ibi floret, ut & privatisimis institutionibus tradiderunt. Deinde Illustre Gymnasium Academicum, eadem in civitate florens, adii, ductu & auspiciis Directoris D. VERPOORTENII (qui Gedanum dein vocatus est,) ac Professorum D. GIHNLEINII, D. HEIMREICHII beate mortui L. SCHWARZII (jam D. & Directoris) M. EHRENBERGERI, M. SCHVBARTI, Scholæ, in latinis & græcis linguis, philosophia & principiis jurispruden-



prudentiæ, per quinquennium ferme frequentavi. Huic postquam oratione de Oraculo Delphico vale dixi, initio M DCC XXXI. anni in inchoatam banc Salanam jussu Parentis me contuli, in qua per triennium in Philosophicis, Jure Naturali, Civili, Criminali, Feudali, Canonico, Publico, ut & Practicis, Viros Illustres, Magnificos, Excellentissimos, Consultissimos Doctissimosque, Dominos, BECKIVM beata memoria, KEMMERICHIVM, BRVNQVELLIVM, HERTELIVM, SCHMEIZELIVM, BVDERVM, DITMARVM, REVSCHIVM, KAMPERVM, DRESSSELIVM beatum & STENGERVM, audiui. Finitis studiis Academicis, in patriam redii; ubi d. 7. Decembr. 1734. in numerum Advocatorum Ill. Regiminis Ordinariorum receptus sum. Tandem gradum Licentiati ab Illustri Ordine Juridico in hac Academia Jenensi mihi conferendum, ea, qua par est, modestia expetii.

Nos honestis ipsius precibus assurgere, atque primum ad consueta examina, deinceps, cum in his progressus, quos in Jurisprudentiæ studio fecit, egregios, satis nobis probasset, ad Dissertationem quoque inauguracionalem, eundem admittere non dubitavimus. Quam cum craftina luce, sub Præsidio MAGNIFICI ACADEMIAE PRO-RECTORIS, Viri Excellentissimi atque Consultissimi, Domini IOH. FRID. HERTELII, IVRISCONSULTI ac ANTECESSORIS hujus Academiae CELEBERRIMI, Sogeri jam sui venerandi, publicæ disquisitioni sub-  
jicere



ficere decreverit: meum est, & MAGNIFICVM ACADE-  
MIAE EX-PRORECTOREM, & ILLVSTRISSIMOS COMITES,  
& PROCERES ACADEMIAE VENERANDOS, & *Cives Aca-*  
*demia* generosissimos ac ornatissimos, & *Hospites o-*  
*mnium* ordinum honoratissimos, ad Actum huncce,  
honorifica sua praesentia, illustriorem splendidiorem-  
que reddendum, qua decet, observantia ac  
humanitate, invitare. P. P. Jenæ  
A. MDCCXXXV. d. XV. Febr.

















*Jena, Diss., 1734-35*

ULB Halle

3


005 360 781











**DIET. HERM. KEMMERICHII, JCTI,**  
SERENISS. SAX. DVCVM STIRP. ERNEST. CONSIL. AVL. 22  
COD. ET NOVELL. PROF. P. CVRIAE PROVINC. SAX.  
FACVLT. IVRID. ET SCABIN. ASSESS. 1735, 9  
ORDINIS SVI H. T. PRO-DECANI

**PROGRAMMA**

DE

MVNERE  
**ADVOCATORVM**  
HONORIFICO

DISPV TATIONI INAUGVRALI

NOBILISSIMI IVRIVM CANDIDATI

**FERDINANDI ADAMI HERMANNI,**

COBVRGO - FRANCI,

REGIMINIS SAXO-COBVRGENSIS ADVOCATI,

DE

**PROSOPOLEPSIA ADVO-**  
**CATORVM**

PRAEMISSVM

JENAE,  
LITTERIS MVLLERIANIS.